

Sarajevo, 11-04-2018

Broj: 0203-20345

Na osnovu člana 18. Stav 1. Zakona o javnim nabavkama („Službeni glasnik BiH“ broj 39/14), člana 37. Statuta Kliničkog centra Univerziteta u Sarajevu, člana 6, 10 i 11 Pravilnika o javnim nabavkama br. 0202-14542 od 29.03.2017. god. na prijedlog Tehničkog sektora Generalna direktorica donijela je:

ODLUKU

o pokretanju postupka javne nabavke za izbor najpovoljnijeg ponuđača

I

Ovom odlukom odobrava se pokretanje postupka javne nabavke za izbor najpovoljnijeg ponuđača za radove na rušenju objekta bivše Klinike za dermatovenerologiju. Nabavka iz prethodnog stava provest će se primjenom konkurentskog zahtjeva. Objava obavještenja o nabavci i tenderske dokumentacije će se izvršiti na portalu Agencije za javne nabavke.

II

Za realizaciju nabavke iz člana 1. ove odluke odobravaju se finansijska sredstva u iznosu od 50.000,00 KM bez uračunatog PDV-a. Nabavka se vrši na osnovu Odluke Upravnog odbora KCUS-a br. 171/18 (0202-5763 od 31.01.2018. god.) i Posebne Odluke o izmjeni i dopuni privremenog Plana javnih nabavki KCUS-a za 2018. godinu br. 0203-20346 od 11.04.2018. godine.

Izvor sredstava je iz sredstava planiranih u Budžetu Općine Centar Sarajevo za 2018. godinu u iznosu od 25.000,00 KM (Protokol o realizaciji transfere broj:12-14-795/18 /naš broj 0203-13-182 od 28.02.2018. god.), te sredstava koja će biti obezbijeđena rebalansom Budžeta Općine Centar Sarajevo.

Uslov plaćanja predviđen za postupak nabavke je odgođeno 30 dana po ispostavljenom računu.

III

Realizaciju nabavke iz člana 1. ove odluke provest će Tehnički sektor putem Komisije za sprovođenje postupka javne nabavke, u skladu sa postupcima regulisanim Zakonom o javnim nabavkama, podzakonskim aktima i općim aktima ugovornog organa KCUS-a.

IV

Zaključenje ugovora ili drugog pravnog posla u cilju realizacije predmetne nabavke provesti će se u skladu sa ovlaštenjima utvrđenim Zakonom o javnim nabavkama, podzakonskim aktima i općim aktima ugovornog organa KCUS-a.

V

Odluka stupa na snagu danom donošenja.

OBRAZLOŽENJE

Tehnički sektor, a na osnovu Odluke Upravnog odbora br. 171/18 (0202-5763 od 31.01.2018. god.) i Posebne Odluke o izmjeni i dopuni privremenog Plana javnih nabavki KCUS-a za 2018. godinu br. 0203-20346 od 11.04.2018. godine, obratio se Generalnoj direktorici sa zahtjevom za saglasnost za pokretanje postupka javne nabavke radova na rušenju objekta bivše Klinike za dermatovenerologiju.

Realizacija nabavke radova iz predhodnog stava finansirat će se iz sredstava planiranih u Budžetu Općine Centar Sarajevo za 2018. godinu u iznosu od 25.000,00 KM (Protokol o realizaciji transfere broj:12-14-795/18 /naš broj 0203-13-182 od 28.02.2018. god.), te sredstava koja će biti obezbijeđena rebalansom Budžeta Općine Centar Sarajevo.

Obzirom da su sredstva obezbijeđena, utvrđeno je da su ispunjene sve pretpostavke za realizaciju nabavke, te je shodno Zakonu o javnim nabavkama, te usvojenim općim aktima ugovornog organa predmetni zahtjev dostavljen Generalnoj direktorici na konačno odobravanje.

Cijeneći navedeno donesena je odluka kao u dispozitivu.

RUKOVODILAC TEHNIČKOG SEKTORA
Nuriya Jusupović, dipl.ing.el.



GENERALNA DIREKTORICA
Prof.dr. Sebija Izetbegović